



## Universitätsbibliothek Paderborn

### **Instructio practica ...**

Institutiones Theologiæ Mysticæ, Seu Facilem & practicum modum  
Exercitia Spiritualia S.P. Ignatii Loyolæ per octiduum faciendi - item  
triduanam recollectionem fructosè instituendi complectens, Et  
Sacerdotibus Præcipuè, aut de Sacerdotali Statu suscipiendo  
deliberantibus accomodata, Una cum ...

**Lohner, Tobias**

**Dilingæ, 1680**

Consideratio de actionibus ad Officium Pastorale spectantibus.

[urn:nbn:de:hbz:466:1-48834](https://nbn-resolving.org/urn:nbn:de:hbz:466:1-48834)

proinde futurus sis, si beneficium hoc non, ut par est, agere scere, & Sacrificium hoc non, quoties potes, omni possibili affectu ac reverentia tum in gratiarum actionem, tum in alios fines offerre studeas.

Confidera III. Quomodo haftenus tuae obligationi satisfeceris, aut certe satisfacere deinceps velis. Colloquium.

Vide etiam Masenium. f. 289. aut solitud. Hagioplat. ultimo die.

### Conclusiones.

I. Ergo audi S. Bernardum ser. 2. in Cena, & hoc beneficium aestimare discce: *Potestne aestimari*, inquit, *quale sit quantum est hoc Sanctum Sanctorum, Sacramentum Sacramentorum, Amor Amorum, dulcedo omnium dulcedinum. Hac sunt Serè fercula Sotialia Iustorum & Sanctorum, bibuntur in loco uberi Torrentes lactis, flumina molli liquoris balsami caelestis. Hic efficitur una Caro Sponsa cum Sponso: unus Spiritus sancta Anima cum Christo.*

II. Ergo accipe quotidie, quod quotidie tibi proficit. *Sive, ut quotidie merearis accipere; qui non meretur quotidie accipere, non meretur post annum accipere.* S. Aug.

III. Ergo, ut idem monet, *fias Corpus Christi, si vis vivere de Spiritu Christi. De Spiritu enim Christi non servit nisi Corpus Christi. Vis & tu vivere de Spiritu Christi, in corpore esto Christi. Sic enim ipsemet dixit Joan. 6. Qui manducavit meam carnem, & bibit meum sanguinem, in me manet, & ego in eo; & qui manducat me, ipse servet propter me.*

Legatur etiam lib. 4. de imit. c. 1.

### CONSIDERATIO PRO VIII. DIE. DE ACTIONIBVS AD OFFICIUM PASTORALE SPECTANTIBVS.

#### Punctum I.

Uti in priore Consideratione de Actionibus ad Proximum Spectantibus in genere Examen institutum est, ita de istis hic in specie fiat reflexio, scilicet quomodo ea, quae ad Vocationem & Officium Pastorale pertinent, observentur; quod haud difficile erit, si, quid circa singula tenendum sit, breviter indicetur.

I.

*Erga Vocationem.*

- Magna Aestimatio
- Propter Dignitatis Eminenciam.
- Perfecta Cognitio
- Propter Muneris Exigentiam.
- Studiosa Executio
- Propter Præmij Excellentiam.

II.

*Erga Officium.*

- Exacta Diligentia
- Ob Muneris Dignitatem.
- Reflexa Experientia
- Ob Operationis Facilitatem.
- Invicta Constantia
- Ob Coronationis Necessitatem.

III.

*Erga Executionem.*

- Pura Intentio
- Ad augendum meritum.
- Studiosa Operatio
- Ad implendum Officium.
- Generosa Resignatio
- Ad tranquillandum Animum.

IV.

*Erga Conversationem.*

- Sit sancta Conversatio,
- Ut Clericus puteris
- Æqualis sit Dilectio,
- Ut nullum asperneris.
- Sit efficax Locutio,
- Ut plurimos lucreris.

V.

*Erga Visitationem Aegrorum.*

- Hos visita velociter
- Pro Obligatione.
- Alloquere suaviter
- Pro Consolatione.

Hortare efficaciter  
Pro Confortatione.

## VI.

*Erga Confessiones audiendas.*

Exacta Audientia  
De Peccatis admissis,  
Severa Reticentia  
De Secretis commissis.  
Discreta Pœnitentia  
De Delictis remissis.

## VII.

*Erga Concionem.*

Apposita sit & solida  
Quoad Materiæ Inventionem.  
Excocta bene, & fervida  
Quoad Formæ Dispositionem.  
Decore multo prædita  
Quoad ipsam Elocutionem.

## VIII.

*Erga Catechesin.*

Hanc magni semper æstima,  
Ut par est æstimari.  
Crebrò tuis deprædica,  
Ut par est commendari.  
Summâ cum curâ explica,  
Ut par est observari.

## Punctum II.

Perpende, quantopere obligeris ad hæc Officia magis cum fervore ac perfectione obeunda.

I. Quidem ob ingens Vocationis Beneficium; si etiam in hoc Mundo is, qui ad excelsum aliquid & pretiosum Officium præ multis alijs Competitoribus eligitur, tantò magis se obligatos sentiunt ad illud cum omni diligentia obeundum, quantò majori beneficio ac favore illud sunt promoti; quid te facere par erit, qui nullo tuo merito, sola DEI benignissima dignatione ad Officium omnium Officiorum divinisimum & altissimum es promotus.

II. Ob Gratia ad hoc collatae amplitudinem; quae quasi est talentum à DEO commissum, unde nisi cum eo opereris, verendum est, ne auferatur, & alteri detur, ut Christus Matt. 25. minatus est. Unde merito S. Paulus ad Corinth. 2. c. 6. scripsit: *Adjuvantes autem exhortamur, ne in vacuum Gratiam DEI recipiatis. Ecce nunc tempus acceptabile (operandi) ecce nunc dies Salutis (nostrae & alienae promovendae) nemini dantes ullam offensionem (per negligentiam) ut non situperetur Ministerium nostrum, sed in omnibus exhibeamus nos sicut DEI Ministros in multa patientia &c.*

III. Ob Functionum excellentiam, & quæstum: non enim ea ordinatae sunt ad quodcunque temporale lucrum faciendum, sed ad Animas omnibus rebus corporeis longè pretiosiores, & infinito Sanguinis Christi pretio redemptas lucrandas; unde quanto ampliùs sperare poteris præmium, si munere tuo rectè fungaris, tantò graviùs timere debebis supplicium, si malè illud administres. Certè si ullibi, hùc locum habebit illud Sa. 6. *Potentes potenter tormenta patientur.*

### Punctum III.

Utergo tantò faciliùs accuratiùsque hac in parte Officium tuum præstes, sequentia tria media adhibere stude.

I. Arctissimam cum DEO conjunctionem, tum per Charitatis virtutem, tum per familiarem in Exercitijs Spirituallibus Conversationem; sic enim ut Palmes tantò copiosiores feret fructus, quantò arctiùs viti veræ; id est, Christo, fueris conjunctus.

II. Da semper operam, ut Zelum Animarum & vigentem retineas, & quotidiano nutrimento per considerationem motivorum ad eundem excitantium, & ferventem ejusdem à DEO postulationem, & actualem ac sedulam Operationem conserves & augeas; quò enim ardentior & vivacior hic Zelus fuerit, tantò alacriùs & diligentius, & hoc ipso etiam plerumque fructuosius Muneris tui functiones persolves.

III. Non tam ad labores & difficultates, quas in Functionibus tuis pateris, quàm ad fructum & lucrum tuæ & alienæ Salutis oculos reflecte; sic enim omnes dies & labores videbuntur

buntur pauci & breves præ amoris magnitudine, quæ in  
DEVM, tuamque & aliorum Animas flagrabis.

## MEDITATIO III.

Pro 6. Die.

DE AGONIA ET ORATIONE CHRISTI  
IN HORTO.

Scopus.

*Preparationis solidæ ad tribulationes excipien-  
das studium.*

Punctum I.

Confidera I. Cur Christus, etiam si ab ipso jam Concep-  
tionis suæ puncto clarissimè cognoverit omnia tormenta & do-  
lores, qui in præsentis Agonia ipsi proponebantur, & sangui-  
neum sudorem eliciebant, nunquam tamen hanc considera-  
tionem seridè & cum tristitia susceperit, donec ipsum Passio-  
nis tempus appropinquavit, videlicet ut iterum suo exemplo  
nos doceret, ne de tribulationibus futuris ante tempus mi-  
serum solliciti, tristèlque essemus, sed expectaremus, donec  
ipsum easdem sustinendi tempus adveniat.

Confidera II. Quàm prudens & necessarium sit hoc nota-  
tum omnibus in hac vita per multas tribulationes ad Patriam  
supernam tendentibus, ne scilicet ante tempus miseri esse ve-  
lint, & crucem graviores sibi per antecedentem immato-  
rum timorem efficiant; nam, ut rectè Thomas de Kemp. l. 1.  
c. 30. Quid importat sollicitudo de futuris contingentibus,  
nisi ut tristitiam super tristitiam habeas? sufficit dici malum  
sua. Vanum est & inutile de futuris conturbari, quæ sunt  
nunquam evenient.

Confidera III. An non & tu hæcenus ejusmodi vanis co-  
moribus subjectus fueris, & quomodo eisdem deinceps de-  
vitare velis, totum te in sinum suæ vultus DEI providentia  
conijciendo, & cum Heli dicendo: *Dominus est, quod*

*bonum est in oculis suis, hoc faciat.*

Colloquium.